

يا غربتي ..!!

يا غربه بزياده زدتي فينا العيا
العمر بيكي جري والقوس كمان انحننا
مكتوب علينا البعاد كاتبه علينا العنا
يا غربه بزياده دا العمر فيكي فنا
جريت معاكي سنين ادور على قوتي
خدتي ربيع العمر دبلتي ليه صوتي
يا غربه قولنا جاى ليه بس ما تفوتي
موتي احلى سنين لتكونى سبب موتي
يا غربه توهتيني عن داري ودواري
لا داري فين مسكنى ولا من الهموم خالى
شوفنا فيكي الامل لقينا التمن غالى
صياد رمى مغزله قاله السمك اصبر
قعد الحزين على امل لقي السمك يغدر
لا نفعه يوم مغزله ولا نهرة قدر يعذر